



SinarHarian



SinarOnline



SinarHarian



sinarharian



Sinar Harian



sinarharianonline



Sinar Harian

Official

Official

>> BERITA > NASIONAL > Cukai tertunggak: HASiL beri lima petua elak tindakan mahkamah

Cukai tertunggak: HASiL beri lima petua elak tindakan mahkamah

NORSHAHZURA MAT ZUKI || 29 Januari 2022

1



Eduzone turut dilengkapi dengan pelbagai video pendek dan wawancara pegawai HASiL yang berbentuk penerangan dan boleh dimanfaatkan oleh pembayar cukai.

A⁻ A⁺

SHAH ALAM - Tekanan ekonomi akibat pandemik Covid-19 menyebabkan orang ramai terpaksa mengatur semula perbelanjaan bulanan agar pendapatan atau hasil perniagaan yang diperoleh mampu untuk meneruskan kelangsungan hidup mereka pada masa hadapan.

Namun, dalam usaha mengatur semula perbelanjaan, ada yang mengabaikan bayaran cukai yang sepatutnya dibuat kepada Lembaga Hasil Dalam Negeri Malaysia (HASiL).

“Akibatnya, baki cukai menjadi tertunggak dan risiko untuk dikenakan tindakan mahkamah adalah tinggi.

“Sekiranya tindakan mahkamah diambil, ia bukan sahaja menjejaskan imej malah menambah beban kewangan kerana terpaksa mengupah peguam bagi mempertahankan diri,” jelas HASiL, menerusi satu kenyataan media pada Jumaat.

Bagi mengelak daripada masalah dikenakan tindakan mahkamah, HASiL memperkenalkan lima petua dengan cara menasihati orang ramai agar bijak menguruskan cukai dengan baik.

Pertama, orang ramai perlu peka dan ambil peduli peruntukan undang-undang berkaitan percukaian.

Undang-undang telah menetapkan individu yang tidak mempunyai punca pendapatan perniagaan dan hanya makan gaji perlu melunaskan cukai tahunan mereka selewat-lewatnya pada 30 April setiap tahun.

“Bagi individu yang berniaga, mereka dikehendaki menjelaskan semua amaun cukai tahunan selewat-lewatnya pada 30 Jun setiap tahun.

Ramai bimbang episod beraya di perantauan berulang lagi

Disyorkan artikel ini:

- [Baik pulih ekonomi, kembali hidup normal](#)
- [Perubahan iklim dijangka dominasi dunia pada era pasca-Covid](#)
- [KPKT perkenal Rumah Ikram untuk mereka terkesan pandemik Covid-19](#)
- [Pakar ekonomi sokong cadangan cukai 'durian runtuh' untuk T20](#)

[Adakah cukai durian runtuh wajar dilaksanakan...](#)

[Read Next Story >](#)

Kedua, orang ramai diminta rujuk maklumat berkenaan cukai yang banyak terdapat di portal rasmi HASiL dan juga carian internet.



Contoh tangkap layar paparan aplikasi MyTax yang membolehkan kita membuat semakan kedudukan terkini cukai pendapatan.

Menurut HASiL, pelbagai maklumat berkaitan cukai pendapatan ada dimuatkan dalam portal rasmi di www.hasil.gov.my, termasuk menyediakan Gerbang Pendidikan Percukaian melalui platform Eduzone.

Selain portal rasmi HASiL, maklumat berkaitan percukaian juga boleh dirujuk di platform media sosial rasmi HASiL dan portal-portal firma percukaian bertauliah lain yang pakar dalam bidang percukaian.

Ramai bimbang episod beraya di perantaraan berulang lagi

Ketiga, bagi memastikan orang ramai mendapat maklum balas sahih dan nasihat yang tepat, mereka boleh menghubungi pegawai perhubungan pelanggan HASiL di talian 03-8911 1000 atau 603-8911 1100 bagi panggilan dari luar negara.

[Read Next Story >](#)

Selain itu, orang ramai juga boleh menghubungi nombor telefon bimbit rasmi yang terdapat dalam portal rasmi LHDNM.

Keempat, pihak HASiL menyarankan orang ramai menyemak kedudukan cukai melalui MyTAX yang menjadi one stop centre bagi pembayar cukai untuk mengisytiharkan cukai mereka dan mendapatkan informasi cukai terkini.

Petua kelima, HASiL mengalu-alukan perbincangan dengan mana-mana individu atau wakil syarikat untuk bayaran ansuran cukai.

Menurut kenyataan itu, orang ramai perlu menyediakan dokumen-dokumen seperti penyata aliran tunai bulanan, penyata bank beberapa bulan terkini, senarai komitmen bulanan dan bilangan ansuran yang ingin dicadangkan.

“Tunggakan cukai tidak akan berlaku seandainya orang ramai sentiasa ambil peduli mengenai hal ehwal percukaian mereka,” tegas kenyataan itu.

Dalam pada itu, HASiL turut menekankan tentang pentingnya pembayaran cukai bagi membantu kerajaan menyediakan dana bantuan dalam usaha memastikan kesejahteraan rakyat yang terkesan pandemik atau bencana alam akan terbela.

Sistem percukaian juga ditransformasikan dalam bentuk kemudahan dan program pembangunan serta kebajikan seluruh lapisan masyarakat.

HASiL turut menyeru orang ramai menjalankan tanggungjawab kerana setiap sumbangan yang disalurkan menjadikan masa depan rakyat Malaysia terus membangun dan sejahtera.

Dapatkan laporan yang lebih eksklusif dan kritis, sila layari Sinar Premium

Paling Terkini: Ismail Sabri pengerusikan mesyuarat ke-28 NCIA ✕

HASiL mahkamah cukai

Ramai bimbang episod beraya di perantauan berulang lagi

Artikel Berkaitan

[Read Next Story >](#)

